

國家圖書館藏

中華歷史人物別傳集

綫裝書局

陳將軍歸

骨記

署 尹壺壽敬



寡過未能齋雜著

日照尹琳基

陳將軍歸骨記

陳將軍諱國瑞字慶雲湖北應城人童年陷於賊逾數年自拔來歸先為黃勇烈公開榜養子後積功至總兵始復本姓剿賊江蘇安徽湖北山東河南直隸諸省身經數百戰所向有功而在山東剿平幅匪教匪功尤著洊升總兵以提督用 賞穿黃馬褂 特命幫辦軍務同治四年僧忠親王殉難曹南將軍日夜痛哭以風疾禠職六年 詔至京 授頭等侍衛平捻匪張總愚復原官 賞世職因傷病假旋寓揚州尋與降賊升提督李世忠私爭降都司 飭回籍交地方官管束光緒元年前總兵詹啟綸毆死監生

胡士禮坐法應抵而啟綸與將軍有私憾誣將軍唆
訟江督某上其事以將軍未回原籍應照違旨例治
罪 朝廷念其功改發黑龍江八年十二月三十日
卒於戍所年四十六奏入報 聞初將軍年少銳意
功名堅不願娶既以風疾閑居始娶二女又娶無錫
尤氏皆無子撫養他姓女爲女許字湖北前侍郎雷
公以誠之子尚未嫁兄二人次兄早卒無嗣長兄名
先榮生子觀全一人年方五歲其無服族姪陳澤霖
曾在糧臺効力保升知府先是將軍遣戍時適屆丙
子科會試東人追念前功同聲嗟惜予與同鄉唐晉
徽銓部傳猷姚小浦農部多邀公車六十餘人聯名
具呈察院請代奏乞 恩京畿道劉君國光接閱呈

二

詞歎爲義舉總憲景公廉以 朝廷議罪自有權衡
不允時陳澤霖亦入都求解終無應者及將軍歿後
澤霖起意圖繼以尤氏並非正室孤寡可欺遂在應
城原籍設位致奠令其胞弟澤民成服冒稱親支詳
請咨文欲由海道徑赴黑龍江扶柩既聞陳尤氏先
已在都遂止不進尤氏之赴都也其弟尤宗鶴及雷
以誠之孫優貢雷宗慶相隨爲助念將軍曾受醕親
王寵遇又曹南之役將軍力戰奪僧忠親王屍其嗣
襲親王伯彥諾謨祐深感之私冀得其一言當邀
褒卹浼鮑軍門記室方某作稟牘情詞悲切親詣醕
邸呈遞王拒弗見尤氏攜女哭於醕邸之門王賜白
金五十兩遣閹者慰之去復求見伯王亦拒之尤氏

三

計無所出矢言若得 恩典雖破產弗恤尤宗鶴本
無能見事無濟輒挈數百金南旋而雷宗慶頓思居
奇與其同鄉余主事黃孝廉謀詭言求人上疏非巨
金不可尤氏深信之然宗慶實無策也是春予分校
禮闈榜發後晤同鄉王星瑞比部聯璧談次知將軍
早歿深爲扼腕星瑞言頃聞陳夫人至京所謀不遂

四

我東人獨不能一言乎時同鄉四人某某爲諫官予
往說之曰陳將軍累建殊勲尤大有造於東省身後
不邀 卹典何以風天下此人心士氣所關似不可
無一言四人者皆嘿然予迺商之星瑞思聯名具疏
乞代奏星瑞曰疏內必援成案方可邀準予以爲然
顧查案不易事未遽行工科給事中鄧君承修字鐵

香廣東歸善人在諫垣遇事敢言直聲聞天下是科
鐵香充內簾監試官與予始相識既撤闈於禮宜往
來予往謁未值迨五月杪鐵香來謁予亟詢前此遣
戍之員歿後有蒙開復者乎鐵香答言不知又言若
問何爲予具以告鐵香曰頃者法人渝盟擾我邊界
聽鼓擊則思將帥之臣此事如能上達獲邀 殊恩

五

庶可作天下忠義之氣而冀得折衝禦侮之材當言
而言奚容顧慮予雖不敏願爲故將軍一言但未詳其
生平戰績乞君敘之予大喜乃詳敘其東省戰功恐
有遺失復囑門下士周伯晉庶常錫恩代擬疏稿函
送鐵香七月朔鐵香上疏以開復原官建立專祠請
得 旨準其開復而建祠未允逾數日予倡同鄉京

官二十人聯名請在山東立功地方建專祠 允之
鐵香上疏時值 聖誕花衣期內臣工言事例避死
亾字樣因其不諳體制下部議處鐵香前參廣東學
政某會其戚某主考功揚言於衆應照違制例革職
持之甚堅蒙宰李協揆鴻藻謂未諳與故違有別僅
議奪俸然亦危矣雷宗慶旣見 恩旨意乘機可攘

六

利乃給尤氏曰鄧公一疏山東孔李兩侍御實愆恩
之當酬兩公銀五百尤氏不察遽付白金三百不足
更解金條脫金簪益之未幾事洩尤氏亟索原物宗
慶無辭置辨反言尤氏出身故賤極口痛詆尤氏不
得已遂控南城司坊時唐給諫樹楠巡城與宗慶有
鄉誼又龍侍講湛霖宗慶戚也皆存左袒意訟不得

直一日唐樹楠晤鐵香述其事鐵香言此事都人皆
知但當論詐財之有無不必問尤氏之貴賤訟如不
結予且登白簡矣宗慶聞之恐亟浼其同鄉陳侍讀
學棻詣予求解持還金器惟原銀三百已耗四十餘
並繳還尤氏遂置不問其揚州寓所貲財陳澤霖遣
人肩鑰勢將攘奪尤氏惶遽無謀求予設策予謂立
嗣則外患自息先爲函致陳公先榮動以至情亟爲
庇護尤氏遂遣抱具呈請以先榮之子觀全兼祧事
下部議同鄉吳庚生侍御峒方爲禮部正郎力贊之
議遂定咨行湖北江蘇飭地方官一體遵辦而澤霖
始不敢復萌窺伺矣尋又具呈兵部乞還世職奉
旨允準初尤氏本欲親往扶柩漢軍李雨滄都統雲

七

八

九

九

記陳將軍軼事

蘭山趙厚軒比部愜統言將軍攻克長城軍威大振
進兵仲村賊衆皆崩角乞降將軍慮其反側迺選悍
賊千餘命爲前鋒約翌日將攻東墀東墀屬費縣邑
紳王驤南大令殿麟屢率勇破賊賊恨之刺骨聞將
軍令皆踴躍願往屆時集於某寺以牛酒犒之賊懼
欽大醉忽官軍合圍掩殺千餘賊殲焉由是降衆懾

十

伏

費縣劉進士淑愈舊任房山令緣事褫職已而陷於
賊年七十矣投誠後將軍以老而不死命題藝寸香
爲限促爲文稍遲則就戮淑愈援筆立就終篇不露
死字詞甚哀懇將軍憐而釋之後爲沂州知府長公

賡杖死

曲阜孔亦魯太史憲曾言捻匪擾河南一日與官軍
遇望氣者言賊氛甚惡各營戒勿浪戰但觀將軍進
止而將軍持一木梃當前兀立不動賊呼噪蜂擁而
來勢已偪將軍兀立如故一賊躍馬挺槍方下馬欲
直刺之將軍遽大呼曰賊上馬將逃矣急擊勿失於

十一

奔

泰州王筱雲太史貽清言捻匪之寇清江也吳勤惠
漕帥邀諸將夜飲議出師特置首坐約有敢先登者
居上席衆皆遜讓將軍後至輒踞其上大言曰度非
老子無敢坐此者甫把盞將軍言諸君且飲予一人

殺賊去矣獨提刀越城斫賊營縱火大呼賊驚潰自相蹈藉追殺十數賊乃返時筵尚未終也

將軍每戰必先士卒坐無馬身無甲手無器械常持一蠅拂袒裼曳屨而前示無退志故人皆効死又選年少驍勇者爲親兵呼曰孩兒軍臨陣視主將所向無退怯者尤爲同時諸軍所莫及

主

單縣劉次李孝廉方峒言僧忠親王殉難時將軍後至力戰負王屍奔曹州受創幾殆顧念王知遇恩素服痛哭幾不欲生尋賊乘勝來攻奮然曰是欺吾怯也乃進軍三十里嚴陣以待賊遂遠遁

湘鄉曾文正督師山東將軍旋解兵柄歸清江有養子陳某素驍勇敢戰一日稍忤將軍意遽命縛出將

斬之吳漕帥大駭令解其縛將軍大怒持刀號於戟門厲聲言若不殺渠速殺我漕帥閉門不納遂以風疾効免

次李又言同治六年捻匪竄擾山東合肥李爵相駐軍濟甯會將軍遵 旨北上道出任城爵相邀飲於太白酒樓是日衆將咸集將軍至遽痛哭失聲爵相

主

驚問故將軍曰吾哭忠親王耳歷年勦賊從未一日清宴吾飲酒安乎不樂而出爵相乃謂衆將曰此公應 詔特起行且大用東賊如不速殄度代我者必此公也諸君素稔其性情能甘受驅遣乎皆曰願効死爵相徧拜之於是衆將奮勇追勦賊奔命不遑屢戰屢敗旋就殄滅由將軍一激之力也

將軍素不知書及膺專閫握重兵年二十七始折節
向學延名師受業穎悟異常不數年遂以文學稱工
吟詠有鐵牀道人詩書學顏魯公能作擘窠大字遇
名勝輒鐫題生平喜讀孟子嘗見其致左文襄書委
婉風刺多引孟子語爲時傳誦惜其稿久佚

將軍輕財好施尤重文士庚午順天鄉試將軍適入

古

都乃捐巨貲送山東全省卷費東人甚感之

法人在天津滋事民情洶洶縱火焚教堂戕其酋將
軍適經其地撫掌稱快一時津人恃以無恐法人聞
而銜之欲誅將軍以洩忿然卒無如何也

將軍往謁伯王及見不拜驟問忠親王廟安在乃詣

神位前匍匐稽首畢始與王敘禮

鐵香言將軍好佛遇僧人輒膜拜有一行者藍纓類

丐每見輒踞上坐將軍則稽首稱弟子殊不可解

泰安程石田農部金芝言都中有名優視農者色藝

頗佳將軍眷之贈聯云天下英雄磨此硯古來仕宦

不如農衆賞其句之調侃

鎮洋王紫翔庶常祖畬言將軍在湖北原籍助修黃

圭

鶴樓成署聯云黃鶴飛來復飛去白雲可殺不可留

人訝其下句之奇將軍曰君未讀唐詩乎總爲浮雲

能蔽日長安不見使人愁浮雲指祿山非可殺者乎

人服其辯才云

將軍遣戍時道出通州王友農孝廉萬慶邀予往謁

比至日將暮矣將軍方垂釣未回予與友農候於逆

旅俄而將軍攜魚至寒暄畢予曰此行不久當賜

環將軍曰君言誤矣天下無事我何所用召我則

四方多故矣寧老死邊荒爲幸耳予大歎息既談及

時事輒太息曰衮衮諸公孰是赤心爲國者予曰

今夕只可談風月與君痛飲可乎將軍曰子能飲乎

曰能迺烹魚爲殽邀坐共酌友農素不習飲俾監觴

六

政已而以紹酒酌兩巨盃約容十餘斗云飲遲則罰

兩人舉盃鯨吸而盡不稍逡巡飲數盃而十五觔之

壘告罄興猶未足更命從者沽諸肆得燒酒數觔復

各浮一大白而將軍玉山頽矣是夕予亦醉黎明起

辭將軍酒尚未醒予與友農遂行尋檢舊藏林文忠

墨蹟一聯其文曰劍匣之中有龍氣酒杯以外如鴻

毛持贈將軍以酬其一飯之德云

將軍又言黃鶴樓三字向無確對今有偶矣曰昔爲

黃鶴樓中客今作黑龍江上囚予曰何不故作江上

人將軍曰囚尚爲人乎歎歎久之

掖縣宿巡政文奎言將軍在戍所與戍員陳某有隙

某陽爲結驪陰實圖之會歲除近將軍舊病甫瘳命

七

僕檢衣裘爲賀節計而其黠僕顧元先時潛結戍員

王某盜鬻貂裘數襲至是懼事洩獲罪與王某祕謀

諸陳力請將軍服藥調攝初未遽許三人又乞黑龍

江文將軍勸之迺進劑須臾鼻口流血卒文將軍大

駭亟收三人於獄旣以考案無實竟諱其事而三人

得免

舊史氏尹琳基曰將軍勦賊沂州旌麾未涖照邑予
與將軍祇一夕談耳何足知將軍顧念將軍事載
國史而史例僅據奏報連綴成文轉不副其人之行
誼茲獨敘次軼事表其長亦不諱其短雖傳聞未必
盡實而將軍之爲人已可想見矣

大

附錄

鄧鐵香原疏

爲已故戍員戰功卓著遺愛在民懇 恩開復原官
準建專祠以順輿情而昭激勸事竊在戍已故總兵
陳國瑞負性忠勇不避艱危隨同僧忠親王轉戰山
東安徽湖北直隸河南等省平苗沛霖敗張洛刑勦

无

流寇張總愚任柱斬葛小光龔耀諸悍賊國瑞功最
多其尤著者則在山東當咸豐十年間充沂曹三府
土匪蜂起號數十萬內則憑巢據穴外則勾結捻首
張洛刑往來肆擾同治二年國瑞率所部二千人進
兵沂州攻長城破援賊李成十餘萬衆遂克之降仲
村賊首宋三綱斬其軍師孫化祥旗山望山數十鄉

之賊皆望風乞降遂攻兗州教匪首宋繼明據白
蓮池者巢憑恃險阻列柵數重國瑞督銳卒數十緣
崖先登身中數槍血流被體軍士冒死繼進連破之
殲賊萬餘訊釋難民數千歡聲遍野兗沂悉平教匪
滋亂五年官軍屢撫屢叛賊勢愈熾國瑞以數千之
衆旬月之間擒渠搗穴巨寇廓清兗沂之人得以安

三

枕者國瑞之力也旋以戰功洊升用提督 特命幫
辦僧忠親王軍務曹州之役諸將皆以救援不及獲
咎國瑞獨以積勞受傷免議 朝廷豈有私於國瑞
哉嘉其忠勇也其治軍用法嚴而自奉約居平無博
之戲聲色之娛所得賞賜悉以給將卒用能得其
力所過秋毫無犯故去久而民益思之然其失在

不能克己而好以氣陵人同時諸將多以此病國瑞
者卒以私忿涉訟褫職遣戍在 朝廷賞功罰罪一
秉至公使陳國瑞尚在必當棄瑕錄瑜以收異日之
用不料舊傷復發年逾四十遽爾溘逝身沒之後家
無弱子旅櫬蕭條此天下士所聞而心傷也臣聞明
主用人不以功廢法不以過掩功所以勸武功勵戎

三

士也 國家自用人以來凡積勞病故之員一經奏
請無不立沛恩施而其間粉飾鋪張或以微勞而見
錄或以私交而濫及者何可勝數陳國瑞幸遇 聖
朝得奮其智能效命行間位爲上將徒以小過戍死
邊荒未蒙追錄死者不能自列生者莫爲之訟臣竊
痛之伏乞 朝廷不忘鼓鑒之念俯施帷蓋之仁洎

洗前愆獎其忠力加 恩開復原官量予褒卹臣聞
該員遣戍時道過山東父老持牛酒相勞送祝其來
歸者絡繹於道又舉人鄭淑詹等六十餘人合詞赴
都察院呈請代表乞 恩以違例不允今陳國瑞已
故可否 飭下該省撫臣查明該員立功之處準其
建立專祠以順輿情出自逾格 鴻施臣無任悚切

主

懇願之至謹奏

七月初二日奉

上諭昨據給事中鄧承修奏已故戍員陳國瑞請予
褒卹一摺並非迫不及待之事輒於花衣期內呈遞
殊屬不諳體制鄧承修著交部議處欽此 上諭
給事中鄧承修奏已故戍員戰功卓著請量予褒卹

一摺已革前任總兵降補都司陳國瑞隨同僧格林
沁轉戰數省曾著勞績嗣緣案遣戍上年傷發身故
著加恩開復總兵原官並將戰績宣付國史館立傳
以獎前勞欽此

都察院代奏原疏

爲奏 聞請 旨事據翰林院編修尹琳基等聯名

主

以已故大員遺愛在民公懇奏請建立專祠等詞赴
臣衙門呈遞臣等公同查閱原呈內稱恭閱邸抄七
月初二日奉 上諭給事中鄧承修奏已故戍員
戰功卓著請量予褒卹一摺已革前任總兵降補都
司陳國瑞隨同僧格林沁轉戰數省曾著勞績嗣緣
案遣戍上年傷發身故著加恩開復總兵原官並將

戰績宣付國史館立傳以獎前勞欽此仰見 朝廷

褒卹一秉大公曷勝欽佩伏查陳國瑞隨同僧忠親

王勦賊大小數百戰厥功最多而在山東尤著咸豐

十年間兗沂曹三府土匪蜂起焚殺甚慘各屬居民

咸失其業同治二年國瑞督隊進勦先破鄒之長城

賊圩已而克仲村擒首逆數十賊圩皆望風乞降沂

三

郡大定其攻克兗州白蓮池也身先督陣連破賊寨

積四五年之巨寇一旦削平嗣勦任柱張總愚諸悍

賊日夜跟追曹州之役僧忠親王以身殉國瑞陷陣

力援受創幾殆迄今二十年間百姓歌頌僧忠親王

之功無不並念國瑞本年聞國瑞之歿同聲咨嗟今

陳國瑞蒙 恩開復原官 準與立傳 朝廷褒功

之典已極優渥惟念禦灾捍患禮祀宜崇東省士民

追思國瑞前功公懇代奏準於山東立功地方建立

專祠或附祀僧忠親王之祠等語臣等查編修尹琳

基等呈稱陳國瑞隨同僧忠親王勦賊大小數百戰

厥功最多而在山東尤著公懇代奏準於山東立功

地方建立專祠或附祀僧忠親王祠等情既據該職

三

員取具同鄉京官印結呈懇前來臣等不敢壅於

上聞謹抄錄原呈恭呈 御覽伏乞 聖鑒訓示謹

奏

七月十二日奉

上諭都察院奏編修尹琳基等聯名以故總兵遺愛

在民請準建立專祠據呈代奏一摺陳國瑞前經降

旨開復總兵原官宣付史館立傳著再加恩準其於

山東立功地方建立專祠以順輿情欽此

周伯晉原擬疏稿

湖北羅田人光緒癸未科進士見官翰林院編修

爲己故譴員戰功卓著遺愛在民懇 恩準建專祠

以順輿情而昭激勸事竊在戍病故已革總兵陳國

瑞湖北應城縣人由行伍起家隨從僧忠親王平勦

美

擒匪忠誠勇敢所向有功轉戰湖北安徽河南山東

諸省平苗沛霖敗張樂刑斬葛小光龔耀諸悍賊歷

平長城仲村白蓮池各老巢以戰功累保升提督又

奉 特命幫辦軍務 賞穿黃馬褂生平大戰數十

小戰數百殊功異績纍纍然見於歷年奏報誠軍興

以來之名將也同治四年僧忠親王遇害國瑞日夜

思念主將悲愴傷懷致以風疾解任旋涉訟事發遣

黑龍江聞者咸憫惜之然 朝廷用法至公功臣有

過量予薄懲俾策後效未嘗不歎待國瑞之至厚而

所以造就國瑞者爲至深且遠也國瑞既抵戍所聞

其安分守法悔悟前非常思舊疾克痊冀 國家棄

瑕錄瑜得重效犬馬之報不料邊冬苦寒新疾舊傷

美

一時併發年逾四十遽焉溘逝且家無弱子旅櫬蕭

條此天下忠臣義士所聞而灰心者也國瑞功故多

所尤著者在山東當國瑞遣戍時山東舉人六十餘

人曾赴都察院合詞呈請代奏乞 恩未蒙允準及

國瑞道經東省沿途村落爭持牛酒相勞送國瑞概

謝不受已而有作佛事祝其生還者不意國瑞竟放

棄以死也夫有過必懲不以功多而稍貸者 聖

人正天下之義有功必卹不以獲咎而見遺者

聖人育天下之仁當擒匪猖獗時兗州兩府晝烽夜

燹數百里不絕居民老稚男婦流離萬狀且山東又

南北之樞要爲 畿輔之藩衛國瑞不至則東賊不

平東賊不平則 畿輔不安故國瑞之功雖在山東

天

國瑞之功實在天下也國瑞治軍甚嚴所至秋毫無

犯惟秉性剛直好負氣爭勝同時帶兵大員多以此

病國瑞者要其智勇兼全血誠報 國固人在

皇太后 皇上洞鑒之中雖古之名將無以過

也國瑞馭兵雖嚴遇民則加意撫卹東省難民賴以

全活者甚衆其生平無博奕之娛無聲色之奉所得

賞賜分給士卒身歿後家無餘貲允近代將材之所

難者伏願 朝廷追念忠勤加 恩褒卹慨然興鼓

鼙之思而惻然施帷蓋之仁則天下忠勇之士聞風

感奮其於激勸之道裨益匪小也可否 飭下地方

官準其建立專祠之處出自逾格 鴻慈 等無任

悚切籲懇之至

无

禮部行文原稿

爲知照事光緒九年九月初四日内閣抄出都察院

奏據湖北孀婦陳尤氏遣抱家人李升以立嗣承祧

等詞赴臣衙門呈遞 臣等公同訊問據李升供稱伊

家主原任總兵陳國瑞係湖北應城縣人光緒八年

十二月在黑龍江戍所病故已蒙 恩開復原官並

準於山東立功地方建立專祠家主身後無子胞兄
二人二房陳先華子振邦俱故無嗣長房陳先榮有
二子長百歲次金珊家主生前曾經先榮商允以金
珊子繼家主爲嗣因改金珊名曰觀全嗣因百歲病
殤刻下僅存觀全年方五歲家主母陳尤氏在京接
得家信本籍族人有涎產圖繼並聞揚州寄寓有人

三

謀佔財產家主母以觀全係屬胞姪例得兼祧此外
雖有族姓皆係遠房今被族人設計欺凌欲回揚州
理論恐彼等人衆勢必不敵爲此遣抱呈懇立案等
語與原呈大略相同臣等伏思忠盡之臣不可無後
儻被遠族圖產得肆欺凌致令缺嗣實屬不成事體
旣據該氏遣抱以立繼承祧等詞呈懇立案並取具

同鄉京官印結前來應抄錄原呈請 旨飭下禮部
查核照例辦理等因於九月初二日奉 上諭都
察院奏湖北孀婦陳尤氏遣抱以立嗣承祧等詞呈
懇立案一摺著禮部查核照例辦理欽此欽遵到部
查本部則例內開乾隆四年奉 上諭戶部奏
軍營病故乏嗣人員請照陣亡例準以獨子立嗣一

三

摺已依議行矣獨子不準出繼本非定例前因太僕
寺少卿魯國華條奏經部議準行但立繼一事專爲
承祧奉養當按昭穆之序亦宜順孀婦之心所以例
載嗣子不得於所後之親準其月立實準乎情理之
宜也至獨子雖宗支所係但或某人已死而其兄弟
各有一子豈忍視其無後且見在尚可生育而死者